

حقوقی بیکسیر مجموعه سی

آیده بر نشر اولنور

۷۷
۱۰۰
۱۰۰

JURISPRUDENCE

اجتهادات محاکمه

اسویچره فده رال محکمه سنده [۰] ۱۰ ایلول ۱۹۲۵ تاریخلی قراری

تسلیم ، اخطارنامه به رغماً و اخطارنامه ده تعیین ایدیلن مدتدن سوکرا وقوع بولش ایسه عاقد بوسیدن ناشی عقدی فسخه صلاحیتداردر .

مستأنف : دومیره و شرکاسی Demierre & Co

مستأنف علیه: جوهر و معدن تجارت آنونیم شرکاتی A.-G. für Erz u. Metallhandel

(آ) — دومیره تجارتخانه سی جوهر و معدن آنونیم شرکته بهریوز کیلوسی ۸۶,۵۰ فرانق اولمق اوزره (بال) شهرنده تسلیم و مجموعنک بدلی مالک (استراسبورغ) دن سوق ایدلدکری تاریخندن اون بش کون صکره تسویه ایدلک اوزره اللی طون (پنارویا) ماروقلی قورشون صامشدر. (بال) ده تاریخ تسلیم اوله رق «احوال غیر منتظره مستثنا اولمق شرطیله» ۱۰ نیسان ۱۹۲۴ تاریخلی تعیین ایدلش ایدی .

۷ مارت ۱۹۲۴ تاریخنده تسلیات پایمق ایچون تعلیات ایسته مش اولان مستأنف دومیره و شرکاسه ، ماللرک بال شهرنده (سوسیه ته بالواز دانتره بو) تجارتخانه سه ارسال ایدلشی ۱۰ مارت ۱۹۲۴ تاریخنده جواباً اشعار ایدلشدی . ۹ نیسان ۱۹۲۴ تاریخنده ایسه مستأنفک ، امتهنک آنوه رسدن یوله چیقارلش اولدیغنی بیلدیرن مکتوبی شو سوزلری دخی محتوی ایدی : آلتزاس ده تره نلرک شرائط حالیه سه نظرآ امتهنک تاریخ ورودی تکفل ایتمک بزم ایچون غیر ممکندر .

موضوع بحث امته (بال) شهرینه ۲۸ نیسان تاریخه قدر ورود ایتماش بولندیغی ایچون مستأنف علیه بایعه ۵ مایس ۱۹۲۴ تاریخه قدر یکی بر مهل اعطاسیله مهلک انقصاصنده مخیر اولوب دیلر سه فرو فیئات مطالبه به حق محفوظ قالمق اوزره قورشونلری بشقه سندن مبایعه ویا عقدی فسخ ایده بیله جکنی اخطار ایدیور ایدی .

۴ طون قورشونک نیسان ابدا ترنده آنوه رسدن (رهن) طریقیله و (استراسبورغ) ه متوجهآ سوق ایدلش اولدیغنی بایع ۲ مایس ۱۹۲۴ تاریخنده جواباً اشعار ایدرک «ماللر

[۰] فده رال محکمه سنک تشکیلات و صلاحیتی ایچون مجموعه مزک ایلول نسخه سه مراجعت .

بك ياقينده استراسبورغه واصل اولمى لازمكه جكندن آنفاليان قورشونلرك اورادن سوق ايدلمش اولدقلرينه عائد اخبارنامه بوكون يارين المزه واصل اوله جقدر « ديپورايدى . مایسك ۵ نجى كونی اقشامنه قدر ماله دسترس اوله میان مستأنف عليه عقدی فسخ ايتديكى بيان ايلمش ایدی .

بايع ايسه مایسك ۵ نجى كوتى ۶ نجى كونه وصل ایدن كيجه - يعنى ۵ مایس آقشامى ۶ مایس كيجه سی - ظرفنده (بال) واصل اولمش اولان ۴۰ لئون قورشونی مشتريسه بر درلو قبول ايتدير مكه موفق اوله مديغندن مذکور قورشونلری ۱۱ حزينان ۱۹۲۴ تاريخنده مزايده يه چيقارده رق ۳۷,۵۰۰ فرانغه صاعشدر .

ب) — مستأنف دوميره وشرکاسی (زورنخ) تجارت محكمه سنده دعوا اقامه ايدرك بدل مقرر ايله بدل مزايده آره سنده فرق فيثات ايله مصارف سائره ايچون جمعاً ۶۶۸۶,۴۰ فرانكى ۱۰ تشرين اول ۱۹۲۴ تاريخندن اعتباراً يوزده ۶ فائضيله و بدل مقرری اولان ۴۳۴۵,۱۵ فرانك ۱۷ مایس دن ۱۰ تشرين اول ۱۹۲۴ تاريخنه قدر كذران اولان ايام ايچون ده يوزده ۶ فائضنك مجموعنی طلب ایدیور ایدی .

اثبات مدعا ضمتنده مستأنف ديمشدر كه : وقوع بولان تأخر دن طولاني ابتدادن بری نظر دقتی جلب ايدلايكي حالده مستأنف عليه آنجق ۱۰ مارت ۱۹۲۴ تاريخنده تسليم حقه ده كي تعليماتی ارسال ايتديكندن اشبو تأخر ، بايعك (قورشون معدنلری اسپانيول شركتنى) وقت مناسبنده خبردار ايتسه مانع اولمشدى . مذکور شركت ايسه شباط آينده بايع مستأنفك امرينه آماده بولندير ديفنى قورشونلری بشقه طرفله تخصیص ايلمشدى . ۱۸ مارت ۱۹۲۴ تاريخنده مستأنف عليه شركت تلفونه معلومات و يريله رك مدت تسليمك مایس ابتداسنه قدر تأخرينه موافقت ايلمش ایدی . مالرك تسليمی ايسه تاريخ مذ كورده ممكن اوله بيله جك ایدی . زیرا ۴۰ لئون قورشون استراسبورغه ۱۹ نيسان تاريخنده (ديامانت) واپوريله واصل اولمش بولنيوردي . نه چاره كه ۱ نيسان تاريخندن ۲ مایس تاريخنه قدر دوام ایدن تحمیل و تخلیه عملهنك ترك اشغالی يوزندن مالر آنجق ۲ مایس ده (بال) شهرينه متوجهاً شمندوفره ارکاب ايديله بيلمشدر . مقاوله نامه حكمنجه اشبو غير منتظر حادثه مستأنف عليهن يكي بر مهلت تعيين ایده بيلمسی صلاحيتنی رفع ایدیور ایدی . بوندن ماعدا عقدك موجب و مقتضاسی ، تعيين ايدیلان مدت ظرفنده اجرا ايدلمش بولنيوردي . زیرا قورشونلر مایسك ۵ نجى كوتى ۶ نجى كونه وصل ایدن كيجه سنده

واصل اوله رق مایسک آلتنجی کونک صباحندن اعتباراً مستأنف علیک امرینه حاضر بولنور ایدی . مذکور ماللر مایسک بشنجی کونی اقشامک معتاد اولان ایش ساعتلری ظرفنده کئش بولنسه بیله مستأنف علیه ۶ مایس صباحندن اول آنلره دسترس اوله مازدی . دیگر طرفندن ده بوندن طولای هیچ بر ضرره دوچز اولدینی کبی تسلیماتک قسم قسم اجرا ایدلمسده هیچ بر زمان اعتراض ایلامش بولنوردی . مستأنف علیه ایسه مستأنفک مقتضای عقدی ، نه وقتنده نه ده تماماً اجرا ایلدیکی جهتله عقدی فسخ ایتک حقی حائز بولندینی ایلر و سوره رک مستأنفک استیناف دعواسک ردینی طلب ایتکده بولنمشدر . بوندن ماعدا مستأنف علیه ، مدت تسلیمک نیشان نهایتنه قدر تمديد ایلدیکی انکار ایتدیکی کبی تخلیه عمله سنک ترک اشغالی تسلیم معامله سنی تعویق ایتش اولدینی دخی منکر بولنمقده در . زیرا مستأنفک ۲ مایس ۱۹۲۴ تاریخلی بر مکتوبنده مالک استراسبورغه آنجق ۲ مایسده یعنی ترک اشغالک ختامه ایرمندن صکره واصل اولدینی ذکر ایلکده در .

ج) — ۲۷ مارت ۱۹۲۴ تاریخلی قراريله زوربخ محکمه سی دعوائی رد ایتمشدی .
د) — استیناف استدعاسنده ایسه بایع یعنی شمیدیکی مستأنف ؛ دعواسک قبوليله بالنتیجه اختلافک — اکمال تحقیقات ضمننده — اولکی محکمه یه اعاده سنی ؛ مستأنف علیه ایسه استیناف استدعاسک رديله حکم اولک تصدیقنی طلب ایلکده در .

استیناف محکمه سنک قراری :

۱) — کندیسنه اعطا ایدلش اولان مهل ثانی ظرفنده دخی مستأنف دومیه و شرکاسک تعهداتی ایفا ایتدیکنک بدایت محکمه سنجه حکم ایدلمسده اصابت واردر . فی الواقع ماللر مایسک بشنجی کونک ایش ساعتلری زماننده مستأنف علیک امرینه آماده بولندير لمامشدی . واقعا تسلیمده کی تأخر بر قاج ساعت دن عبارت ایسه ده تعهدات واقعه نك میعادنده ایفا ایدلماش اولدینی اعتراضک درمیاننه سبب کافی تشکیل ایدر . قطعی مهلتلر تعیینندن مقصد بورجلو اولانک بورجی نه زمانه قدر اوده یه بیله جکنی صورت قطعیه ده تعیین ایتکدر . بو خصوص ایسه الاجبلی یه تحدیدی بر طرز تأویل حدودی خارجندن چیقماق ایچون صلاحیت بخش ایدر . بونک عکسنی قبول ایتسه ک مقالو نامه نك مدت معینه سی ظرفنده عدم ایفاسک ، عاقد ایچون هانکی دقیقه دن اعتباراً ضرر تولید ایلدیکی تعیین ایتک مشکدر . بنابرین مستأنف علیک ، مدت معینه نك مرور ایتش اولدینی حقنده کی ادعاسنده سوء نیت موجود دکدر .

مستأنفك ادعاسنه كوره مستأنف عليه هیچ بر ضرره دوجار اولماشدر . زیرا ماللر مدتك اقتضاسنك فرداسی كونی مستأنف علیك امرینه حاضر بولندیلمشدی . بواذا وارد دكلدر . مسئله ضرر و زیان دعواسندن عبارت اولمایوب مستأنف علیك عقدی فسخ ایتك حقی حائر اولوب اولمدیغك تعیینندن عبارتدر .

(۲) — بورجلر قانونك ۱۰۷ (۱۰۶) نجی [۰] ماده سنك مستأنف علیه عقدی فسخ ایتك حقی بخش ایدوب ایتدیكى نقطه سنك تعیینی قالیور . بونقطه ایسه بدایت محكمه سنك یابدینی کبی مثبت بر صورتده یعنی عقدی فسخ ایتك حقی بخش ایتدیكى صورتده حل ایدلك اقتضایدور . مقاوله نامه ده کی « تاریخ تسلیم ۱۰ نیشان ۱۹۲۴ در » دیو محرر اولان شرط بورجلر قانونك ۱۹۰ (۱۸۷) نجی ماده سنك مؤداسنه كوره طرفینجه مدت تسلیمك تعییننه متعلق بر مقاوله دن عبارتدر . بوسورتله بر Fixgeschäft قطعی بر مقاوله ایله علی اطلاق بر مقاوله تجاریه ایچون اقتضا ایدن شرائط جمع ایدلش بولنیور ایدی . بنابرین مدت معینه نك ختامیله مستأنف ، بورجلر قانونك ۱۰۲ (۱۰۱) نجی ماده سنك ایکنجی فقره سی موجبینجه متمرّد موقعنده ایدی . هر نه قدر مقاوله نامه نك اجراسنی مصرأ و واضحأ طلب ایتكله ۱۹۰ (۱۸۷) نجی ماده نك بحث ایتدیكى (مشترینك تسلیم طلبندن واز كچرك عدم ایفا سببیه ضرر و زیان ایستیه جكنی قبوله جواز واردر) حقنده کی présomption ظن غالبی تحفیف و Fixgeschäft (قطعی مقاوله) بی وعدملی بر مقاوله نامه یه تحویل ایلش ایسه ده خصوص مذکور نظر اعتباره آله ماز . زیرا بونك نتیجه سی ، اولسه اولسه بورجلر قانونك ۱۰۷ (۱۰۶) نجی ماده سی احكامندن استفاده ایتك ایستیان مستأنف علیك یکی بر مهل تعیین ایتسنی مستلزم ایدی که بونی ده ۲۸ نیشان تاریخی طلبنامه سیله ایفا ایتش بولنیور ایدی . مستأنف علیك تسلیم حقنده کی تعلیماتی ارسال خصوصنده تأخر ایتش اولدیننی نظر اعتباره آله رق مدت تسلیمی مایس ابتداسنه قدر تأجیله موافقت ایتش اولدیننی مستأنف ایله برابر قبول ایتك ممکن ایسه ده اولکی محكمه اشبو احتمالی بحق غیر وارد کورمشدر . چونکه داها ابتدای امرده (بال) شهری مورد اوله رق تعیین ایدلش ایدی . بواله دخی — نیشان آبی نهایتندن مقدم وقوع بولمقله برابر — مهلت تعیینی ، تأثیراتی آنحق مستأنف علیك مهل متممك اقتضاسنده مقاوله احكامنك اجراسنی طلب ایتك خصوصنده حائر اولدینی صلاحیت مرتبه سنده کوستره بیلیر ایدی . بنابرین

[۰] معترضه ایچنده بولنان رقلر تورك بورجلر قانونك ماده لرینی کوسترر .

تعیین ایدیلان مهلت موافق نصف ایدی. مستأنف (دومیه روشرکاسی) مالک، آنوه رس دن سوق ایدلدیکی مشعر ۹ نیشان ۱۹۲۴ تاریخلی مکتوبنه نظراً مستأنف علیه، مذکور ماللرک - اقدجه تقرر ابدن تسلیم وعده سنی نظر اعتباره آلدینی تقدیرده - ۵ مایس تاریخده ورودلرینه بحق انتظار ایدیه بیلیر ایدی. اساساً دهاز یازده بکله مه سی مستأنف علیهدن ایستنه مزدی . زیرا موضوع بحث ماللر فیثات تحولاتنه تابع اموال دن ایدی . بوندن ماعدا ، مهلت تعیینندن مقصد مقاوله نامه نك اجراسی ایچون تعیین ایدلمش وعده یی تأخیر اولمایوب بلکه آلاچقلى نك آنسزین وقوعبوله حق بر فراغتی حسیله بورجلى نك بورجی اوده مه سنك مستحیل اولق احتمالك رفع وازاله سیدر . بوندن بشقه ، مستأنف جابندن وقوع بولان بیاناته نظراً تحمیل وتخلیه عمله سنك تعطیل اشغالی اولمامش اولسه دخی ینه ماللرک ۶ مایس ۱۹۲۴ تاریخدن پك اوقدر زمان اول تسلیمی قابل اوله میه جقدی .

(۳) — تعطیل اشغال کیفیتنه کله ججه محکمه نك، مقاوله نامه مفادینه نظراً بونی بر « احوال غیر منتظره » عدا ایتسندده اصابت واردر . مع مافیه مستأنفك ، بورجی ادا خصوصنده کی تأخیری معذور کوسترمک ایچون « احوال غیر منتظره » دن استفاده ایتسی طوغری اولوب اولمادینی جای سؤالدر . « احوال غیر منتظره » نك استثناسی قیدی مقاوله نامه نك کله بر لاقحه تشکیل ایدر یوقسه یالکز بایمک تعهداتنه مؤثر دکلدرد . بنابرین « احوال غیر منتظره » نك ظهوری بتون مقاوله نامه یی یکی باشند مناقشه یه وضع ایدوب طرفیندن یالکز برینک وضعیتنی تبدیل ایده مز .

بایع موضوع بحث اولان « احوال غیر منتظره » یی یالکز دعوا ائساننده دکل بلکه وقتنده یعنی اشبو احوالک وقوعبولدینی آنده سرد ایتلی ایدی . و بونی بویله یابدینی تقدیرده مشتری ایچون اقتضا ایدن تداییری - یعنی مقاوله یی فسخ ویا تسلیم شرائطنی تعدیلدن - هانکیسی منفعتنه اك زیاده موافق ایسه اونی اتخاذ ایتک امکاتنی بخش ایتمش اولوردی . حالوکه مکتوبلرینک هیچ برنده مستأنف ، بو ترك اشغال کیفیتنی درمیان ایدره ك مهلتك تمیدینی طلب ایتماشدر . مدعی ، ۹ نیشان ۱۹۲۴ تاریخلی مکتوبنده (آنزاس شمندوفرنده کی مشکلات موقته) دن بحث ایتدیکی صره ده اشبو ترك اشغال کیفیتنی صریحاً خصمنه قارشو استعمال ایتک مقصدیله درمیان ایتیه بور . دیگر طرفدن ترك اشغال دن استنتاج ایدیلان ادله نك هیچ بر قیمت وشمولی یوقدر . زیرا ترك اشغال ایله تسلیمده کی تأخیر آره سنده بر علیت مناسبتی موجود دکلدرد .

مستأنفك بیانانه كوره ترك اشغال ۲ مایس ۱۹۲۴ ده ختام بولشدر . حالبوكه مستأنفك عینی تاریخی مکتوبنك مندرجاتنه نظراً مالرك استراسبورغه واصل اولدیفندن بی خبر بولدینی کورینیورسده مالرك ۲ مایس ۱۹۲۴ ده استراسبورغدن (بال) متوجهاً شمندوفره ارکاب ایدلش بولدینی تحقق ایتیش برکیفتدر . بنابرین قورشونلرك سوق وارسالی تحمیل و تخلیه عملهنك ترك اشغالندن متأثر اوله مامشدر . بو خصوصده تعمیق تحقیقاته محل اولمایوب دعوانك بدایت محکمه سنه اعاده سنه متدائر اولان طلب واقعك ردی لازمكلور .

بوکا بناء دركه مستأنفك علیه ۵ مایسده مقاوله بی فسخ ایتمه صلاحیتدار اولدینی جهته ۶ مایس تاریخنده قسماً وقوعولان تسلیاتی قبول ایتمكدن استنکاف ایتك حقنی حائر اولوب اولمادینی آراشدرمغه محل یوقدر . طلب واقعك ردیه (زورینخ) محکمه سنك ۲۷ مارت ۱۹۲۵ تاریخی اعلامی تصدیق اولندی .

تورك - فرانسر مختلط محكمه سی

لوزان معاهده سنجه اعاده سی ایجاب ایدن اموالك «مان» اعاده ایدله می ضرر و زیان طلبنه محل ویره بیلیر ؟

مدعی قربیان داوید . مدعی علیه : تورکیه حکومتی

استانبولده چنبرلی طاشده ایضای وظیفه ایتمكدن اولان ورئیس موسیو آسهر و حکم عثمان بك و موسیو سهروئیس و کاتب موسیو فورنندن متشکل تورك - فرانسر مختلط حکم محکمه سی : عصری کیمیاخانه تجارتخانه سنك لوزان معاهده نامه سنك احکامنه مغایر اوله رق ۱۲ - ۱۱ - ۹۲۳ تاریخندن ۱۵ - ۵ - ۹۲۵ تاریخنه قدر تورك حکومتی طرفندن سدا ایدیلهرك تحت تمهیدده بولنسندن طولایی دوچار اولدینی ضررمادی و معنویك تعمیری ایچون نصفه دائره سننده مناسب بر تضمینات اعطاسنه حکومت مشارالیهانك محکوم ایدلمی ضمننده مؤسسه مذکوره صاحبی فرانسر تبعه سنندن موسیو قره بیان داوید طرفندن تقدیم قلنان استدعا نامه سی ،

برقسی لوزان معاهده نامه سنك امضاسندن و برقسی ایسه معاهده مذکورنك موقع مرعیه و ضعنن صکره اتحاد اولمش اولان تدایردن متولد دعوائی معروضه نك رؤیتی معاهده مذکورنك ۵۸ نجی ماده سی احکامنه نظراً حکم محکمه سنك وظیفه سی خارجنده بولدیفندن

محکمه‌نک وظیفه‌دار اولمادیغه قرار و بریله‌رک مدعی‌نک دعواسنک ردیله مصارف محاکمه‌نک کندیسندن تحصیل طلبی متضمن اوله‌رق تورک حکومتی جانبندن اعطا اولنان لایحه جوابیه ؛ ولوزان معاهده‌نامه‌سنک ۱۳۷ نجی ماده‌سی حکمه توفیقاً محکمه‌نک کندینی صلاحیتدار عدیله دعوانک اساسه کیریشه‌رک رؤیتی طب ایدن فرانسز حکومتی آژانسک نتیجه مطالباتی ؛ و معاهده‌نامه‌نک ۵۸ نجی ماده‌سنک ۲ نجی فقره‌سیله ۷۰ نجی ماده‌سی احکامه نظرأ محکمه‌نک صلاحیتدار اولدیغه حکم ایدلسی ضمتنده مستدعی طرفندن اعطا اولنان لایحه جوابیه ؛ و ۲۴ - ۷ - ۹۲۳ تاریخلی اقامت مقاوله‌نامه‌سی احکامه نظرأ مستدعی به صنعتک اجراسی ایچون مقتضی رخصتنامه‌نک تأخر اعطاسندن طولانی مسئول عد ایدلک لازمکله جگنه‌دائر وقوع بولان ادعایی جرح ایده‌رک ولوزان معاهده‌نامه‌سنک ۱۳۷ نجی ماده‌سنه کوره ذات مسئله به تماس ایدر برجهتی بولمادیغندن دعوی مقامه‌نک ردیله مصارف محاکمه‌نک مدعیدن لزوم تحصیلنه دائر تورک حکومتی جانبندن اعطا اولنان جواب علی‌الجواب لایحه‌سی قرائت ایدیله‌رک مندرجاتنه اطلاع کسب ایدلکدن و ۲ - ۹ - ۹۲۶ تاریخنده اجرا اولنان مدافعه علیه‌ده کرک مدعی قربتیان داویت طرفندن اعطا اولنان ایضاحات و کرک تورک حکومتک آژانی کمال عاطف بک ایله فرانسز حکومتک آژانی جانبندن درمیان ایدیلن مطالعات و مطالبات استماع قلندقدن صکرا ایجابی لدى المذاکره :

دعوی مقامه استانبولک قوای اشغالیه‌سی جانبندن طوغریدن طوغری به ویا آنلرک موافقتیله اتخاذ اولنش مقرراتدن نشأت ایتمه‌سنه مبنی فرانسز حکومتی آژانی طرفندن ولوزان معاهده‌سنک ۱۳۷ نجی ماده‌سنک ۲ نجی فقره‌سنک لزوم تطبیقنه دائر درمیان ایدیلان ادعا ذات مسئله به قابل تطبیق بولمادیغه و فقط ولوزان معاهده‌نامه‌سنک ۶۵ نجی ماده‌سنک ۴ نجی فقره‌سی منظوقجه ماده مذکوره‌نک ۱ ، ۲ و ۳ نجی فقره‌لرنده ذکر ایدیلان امواله متعلق اختلافاتک رؤیتی ایچون محکمه‌نک صلاحیتدار بولوندیغه و مارالذکر ۶۵ نجی ماده‌نک برنجی فقره‌سی ، دول متفقه تبعه‌سی اولان اشخاصه عائد اولوب صلح معاهده‌نامه‌سنک موقع اجرایه وضعی تاریخنده تورک قالدجق اراضی اوزرنده موجود اموال ، حقوق و منافع «درحال» من له الحقرینه اعاده اولنه جغندن باحث اولوب مدعی به عائد وایشلتلمسی صاحبک حائر اولدینی اهلیت و بیقه‌لرینک تورک حکومتجه تسجیل ایدلسنه وابسته اولان مؤسسه ، مارالذکر ۶۵ نجی ماده‌نک فقره اولی سنک قصد ایتدیکی اموالدن معدود و مؤسسه مذکوره ایسه معاهده‌نامه‌نک موقع اجرایه وضعی تاریخلی اولان ۲۷ - ۸ - ۹۲۴ تاریخنده موجود بولونمسه ،

و مدعی نك حائز اولدینی اهلیت وثیقه لرینك تسجیلنده تورك حكومتجه التزام اولنان تأخر دن طولانی ۱۷ مایس ۱۹۲۵ تاریخه قدر مدعی، مؤسسه سندن استفاده ایتمك دن محروم بر اقلمش اولماسه ؟

و خصوص مذکور دن ایسه مؤسسه تجاریه نك در حال مدعی به اعاده ایدلماش اولدینی مستفاد بولونمسه ؟

بو بشرائط تحتنده، کیمیاخانه نك ۱۷ مایس ۱۹۲۵ تاریخندن اقدم کشادی ایچون اجراسنه لزوم کورولن تحقیقاتك ده اول اكلانه امکان بولندیقندن مدعی علیه طرفندن اثبات ایدلسی قید احترازیسی تحتنده اوله رق مدعی نك ۱ ایلول ۱۹۲۳ دن ۱۷ مایس ۱۹۲۵ تاریخه قدر کچن مدت ایچون تضمینات طلبنه حق بولونماسه بناء لوزان معاهده نامه سنك ۱۳۷ و ۶۵ نجی ماده لرینه استنادآ، حائز اولدینی اهلیت وثیقه لرینی تورکیه حیه وکالته تودیع ایتمش اولدینی و بونلرک تسجیلی ایچون اجرا ایتدیکی تشبثات حقنده مدعی طرفندن معلومات موضعه و متممه اعطا ایدلسی و مدعی عهك جواب علی الجواب لایحه سنده مذکور اولدینی وجهله حیه دائره سنك اجرا ایلدیکی تحقیقاتك ضروری الاجرا و تحقیقات مذکور نك کیمیا خانه نك ۱۷ مایس ۱۹۲۵ دن اول کشادینی ممکن قیلمیه جق وجهله اوزامسی ضروری بولندیقی کیفیتك مدعی علیه طرفندن لزوم اثباتنه قرار ویرلمکله برابر تحقیقاتك تاریخله اصول محاکمه نظامنامه سنك ۵۷ نجی ماده سنده مذکور اولان مهلتلری و مصارف محاکمه یی تعیین حقنده کی قرارینی بالاخره اعطا ایتك حقنی محافظه ایدر .



بو قرار بر پره نسیب وضع ایتکده در ؛ لوزان معاهده سنك ، « اموال ، حقوق و منافع » عنوانی آلتنده کی مواد عمومییه آنجق موجود اولان بر مال و حق و منفعتك عیناً و بولوندینی حال اوزرینه اعاده سنی تأمین معطوف اولدینی فکری و بوندن ناشی ضرر و زیان طلبنه محل اولمادیقی مطالعه سی بعض حقوق شناسلرجه قبول ایدلش ایکن مختلط محکمه ۶۵ نجی ماده ده موجود « در حال » تعبیرندن بر نتیجه حقوقیه چیقارمقده و « در حال » بلاسبب مقبول بر مال ویا حقلک عدم اعاده سی حالنده اعاده ایتمین دولتك ضرر و زیانله معاتب اوله جفی اجتهدایی تأسیس ایله مکده در ؟